



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Panarion, Hoc Est, Arca Medica Variis Diuinæ Scriptvræ  
priscorumq[ue] Patrvm Antidotis aduersus Animi morbos  
instructa**

**Busaeus, Johannes**

**Moguntiae, 1608**

Conscientia scrupulosa.

[urn:nbn:de:hbz:466:1-54834](#)

vel centrum quod appetit, reliqua elementa, ita si amor rerum spiritu-  
lum in nobis præ ceteris amoribus prædominaretur, facile mentem &  
linguam pertraheret ad spiritualia colloquia. At dices. Vnde mihi hunc  
amorem comparabo? Ex notitia rerum spiritualium: *nemo enim amare po-*  
Chry. in Matth. *test bonum*, inquit B. Chrysost. *quod nescit*. Notitia autem illa capitur ex fer-  
uenti oratione, diuinorum rerum contemplatione, assidua piorum li-  
brorum lectione, & spirituali collocutione & collatione.

VIDE V. Lingue abusus. Mendacium. Otium. Societas prana.

## CONSCIENTIA SCRUPVLOSA.

*Remedia contra Conscient. Scrupulosam.*

Eccli. 7.9.

I. R E M E D . Considera quid sit scrupulosa Conscientia, quæ ab aliis  
dicitur Erronea, vel timida, vel pusillanimis, secundum illud Eccle-  
siastici. *Noli esse pusillanimis in animo tuo.* habet autem nomen à scrupulo, id  
est, lapillo. Ut enim hic calceo inclusus pedem excruciat ambulantis, sic  
quorundam piorum hominum, maximè tyronum in religione, consci-  
entiae inhæret suspicio, formido, & anxietas, ex nulla, vel certe leui causa  
orta, num reet hoc vel illud fecerint, ut verbi causa, confessionem inte-  
gram totius vitæ instiuerint. Tali formidine exagitabatur initio conuer-  
sionis suæ AUGUSTINVS, cum in libris confessionum ita scribit. *Mul-  
tum timeo occulta mea, quæ norunt oculi tui, mei autem non. in his omnibus periculis  
& laboribus vides tremorem cordis mei, & vulnera mea magis subinde à te sanari,  
quam mibi non infligi, sentio.*

A. 1. 10. 28.

Iac. 1.5.

Caiet. in sum-  
ma la.  
Matt. 17.14.

Aug. de vera re-  
lig. c. 14.

II. R E M E D . Oratio ad Deum & sanctos coniuncta ieiunio aliusue  
bonis operibus. *Si quis vestrum* ait B. Iacobus, cum loqueretur de tenta-  
tionibus, *indiget sapientia ad expugnandum illas, postuleat à Deo, et dabitur illi.*  
Quod remedium meritò Caietanus vocat diuinum, Figuram enim scrupulosis in Euangeliō gerebat Lunaticus à Spiritu malo obsefus. Ut enim  
ille nunc in ignem, nunc in aquam se iactabat: sic scrupulosus miserè ex  
vna cogitatione in aliam iactatur. Atq; vt ille, teste Christo, curari nō op-  
tuit, nisi per orationem & ieiunium, sic hic difficulter sanari posse videtur  
nisi per orationem & ieiunium, aliaue opera pia.

III. R E M E D . Considera, si scrupulosus sis & timeas te in aliqua re  
peccasse, præcipue duo. Primum, te nunquam peccare, qualis scunq; de-  
mum incidat cogitationes, imaginations, vel propensiones ad peccan-  
dum, nisi voluntate consentias, vel delecteris in ipsis. *Nullum enim pecca-  
tum est, secundū B. Augustinū, nisi sit voluntarium.* Alterum est, ut perpen-  
das, num id quod fecisti, vel in quo consensisti, vel quod facere voluisti,  
repugnet præcepto Dei, vel Ecclesie; nam si non repugnet, certus esse  
debet

## CONSCIENTIA SCRUPVLOSA.

33

debet non esse peccatum mortale. Peccatum enim secundū eundem Aug.  
est dictum, factum, vel cōcupitum contra legē Dei. De veniali siquidem lapsu nō  
est quod magnopere angaris, quia propter illum non excides ex gratia  
vel amicitia diuinā; & communis est tibi cum omnibus iustis & sanctis,  
de quibus scriptum est. *Septies cadet iustus, & resurget.*

*Prou. 24. 16.*

IV. REMED. Si passio scrupuli ita obscuret mentem, vt nescias statueret tecum, an consenseris, vel an legem Dei vel Ecclesiæ prævaricatus fueris, ne fide tuo iudicio, sed alieno, vt superioris, Confessarii, vel alterius Patris spiritu alis, cuius sententiam in omnibus constanter sequaris. Mo. *Prou. 3. 5.*  
net enim Sapiens. *Ne innitaris prudentia tua. & S. Tobias. Consilium semper à A. cap. 250.*  
sapiente perquire. Vnde S. AVGVSTINV S in quadam epistola consultum Paulino vt eiusmodi animi dubitationes cōferat cū aliquo perito Medi-co spirituali. Et S. ANTONINV ex historia Dominicana refert, scrupulo. *Ant. in sum. I. p. tit. 3. c. 10.*  
sum quendam à fratribus spiritu, qui ei post mortem apparuerat, consilium petuisse de scrupulis, cumq; respondisse. *Consule bonos, prudentes q; viros, & ac-quiesce eis.* Ac rē psa declaratum est, hoc eis profuisse. Sribit enim idem, alioque, quendam sacerdotem in cænobio S. Bernardi ita scrupulis diu-xatum fuissi, vt sacrum Misla facere non auderet, cum verò S. Bernard<sup>d</sup> ei imperasset, vt sua fide confisus f. ceret, non solum fecit, sed etiam ab omnibus scrupulis deinceps solitus fuit. Narrat & vetustus author B. CLIMACVS monachum quendam de blasphemia 20. annis tentatum, *Clim. grad. 3.*  
ieiuniis & vigiliis se frustra afflixisse, donec cuidam Seniori illam aperiuit, qui ei dixit. *Super collum meum si hoc peccatum, quo quot annis te oppugnauit, & adhuc oppugnabit, tu verò illu. omnino floccipende.* Quæ tentatio ante discessum euanuit.

V. REMED. Si tu ipse sis superior, vel Pater spiritualis hominis scrupulosi, scrupulumq; tibi patefecerit. Primò benignè eum mone, vt totam Gal. 6. 1.  
conscientiam suam sincerè patefaciat, secundum illud Apostoli. *Frates,*  
*& si præoccupatus fuerit homo in aliquo delicto, vos qui spirituales estis huiusmodi in-*  
*fruite in Spiritu lenitatis, considerans te ipsum, ne & tu tenteris. Alter alterius onera*  
*portare, & sic adimplebitis legem Christi.* Quod verò maius onus esse potest scrupulis? 2. examinandæ conscientiæ, peccataq; confitendi modum ei perscribe. 3. modum orandi congruētem morbo ei trade. 4. dissuade ei lectionem eorum librorum, qui scrupulos renouare queant, vt sunt Ca-sistarum, ac similiter conuersationem eorum, qui eum in scrupulis con-firment. 5. mone, ne otio vacet, sed semper honesta occupatione disti-neatur. 6. Si anxius sit de peccatis iam olim accurratè confessis semel atq;  
iterum, serio prohibe illi, ne ullam amplius confessionem generalem de tota vita faciat, imò præteriorum omnium peccatorum memoriam ex-cludat; vt fecit apud Cassianum Abbas Pinifus ita cuidā respondens. *Cas. coll. 20. c. 9.*

E

Quod



Bern. serm. 3.

1. Tim. 1.

G. intrad. de re-  
gulis moral.Sap. 1.1.  
Psal. 71.3.  
Thren. 3.25.  
Ezech. 18.

Matth. 11.28.

Quod dixisti te etiam de industria præteriorum peccatorum memoriam retrahere, hoc fieri penitus nō oportet, quinimo etiam si violenter irrepserit: protinus extrudatur. Et S. Bernardus in sermone de S. Petro &amp; Paulo. Ad Dominum iam conuersos non nimium cruciet præteriorum conscientia delictorum, sed tantum humiliet vos, sicut et ipsum Paulum. 7. Aegre aditum illi præbe ad proponendum suas dubitationes &amp; scrupulos, &amp; si importunè vrgeat, etiā verbis appositis abs- terre, ac penitus exclude. 8. nullo modo permitte, vt de scrupulis &amp; dubiis suis confiteatur, sed tatum ea quæ manifestè peccata esse cognorit: alioquin nunquam ex animo eius scrupuli euellentur. 9. dubitationes eius semper in meliorem partem &amp; mitiorem interpreteris: id enim fieri posse habetur in c. estote, de regulis iuris. &amp; l. proxime, ff. de his quæ in testam. de- ten. 10. hortare, vt omnino contemnat suos scrupulos; imò sēpè expedit,

vt docet Io. Gerson, agere contra scrupulos. Sicut enim qui lignum di- stortum vult facere rectum, in contrarium partem inflebit: sic qui distor- tam per scrupulos conscientiam habet, se in contrarium inflectere de- bet. 11. Si nimium anxius sit, ac etiam lacrymas profundat, moneat optimam opinionem habeat de summa Dei bonitate, & misericordia infinita, quæ longissimè supererit peccatorum numerum & grauitatem. Sapientis enim vox est. Sentite de Domino in bonitate. Et Dauidis, viri secundum cor Dei. Quam bonas Israhel Deus his, qui recto sunt corde. Et Ieremiæ. Bonus est Do- minus sperantibus in eum. Et Ezechielis. Si impius egerit pœnitentiam ab omnibus peccatis suis quæ operatus est, & custodierit omnia precepta mea, et c. omnium iniqui- tatum eius, quas operatus est non recordabor. 12. Contempletur quoque vultum speciosissimum, benignissimumq; humanitatis Christi, qualem Apostoli conspiciebant olim cum eos doceret, & ageret cum hominibus, nempe serenum, hilarem, in sui amorem rapientem, omnes solatorem, & in verba illa erumpentem. Venite ad me omnes, qui laboratis, et onerati estis, et ego reficiam vos. 13. Hæc omnia si non iuuerint, & scrupulosus pergit potius suo sensu & Phantasie adhærescere, quam suo Patri spirituali, clarè ei dicendum est, hoc non profici si nisi ex occulta eius superbia: namq; superbiam es- se graviorem omnibus culpis per scrupulos in memoriam refricatis. nec posse illum curari, nisi sensum suum prorsus abneget, & simpliciter, tan- quam puer iudicio superioris illum submittat.

VIDE V. Amor sui. Desolatio spiritualis. Illusiones spirituales. Indiscre-  
tio. Inobedientia. Indictum proprium. Pusillanimitas. Timor humanus.  
Tristitia.

CON-

